

論

海

歷代政治論海卷二十

慈谿繩史李思浩定

古董鳴玉蔡和鐸輯

隋

高祖興唐

沛公劉邦起兵。在秦二世之元年九月。唐公李淵起兵。則在隋煬帝大業世民請之。裴寂劫之。強而後應。趙高弑之。隋帝荒淫十三年。始弑于宇文化及。兩君無道同。其數修短則之者。實世民也。子不能匡父。以紂惡既盡之日。是以興師未幾。其主先亡也。唐公遠祖虎在西魏時。賜姓楊妃之禍。帝王舉事。義利順逆。李氏顧方士言天子之識。民間歌桃李之章。猜忌如煬。危且不保。淵女甥用命。淵欲起兵。則使劉文寂詐縱酒納賂以自晦。其不為李洪兒者幾希。隋申公李穆初薨。孫筠當襲。吳廣亦繇此起兵。不厭詐其賦賄。宇文述請紹封。後食言。述乃遣裴仁基告渾反。推從子敏為天子。於若不恨。不為男子。救舅氏。患紹死。此亦渾殺筠之報。然朝廷既以圖讖戮人。姓氏相求。何厭之有。淵幸得庭。其無志天下者。或淵耳。若妻有天下者。其人日在側。不可得而殺也。淵在晉陽。擁兵自強。頗無大志。于世民請之。裴寂劫之。強而後應。是惟懼私宮人中死法。以為反亦死。不反亦死。與其死也。甯為賊耳。然主之者。實世民也。子不能匡父。以正而迫之。以淫懼之。以死弔民伐罪。而先表餌其父。發慮之始。已胎武韋楊妃之禍。帝王舉事。義利順逆。介在毫髮。可不辨哉。高歡討爾朱氏。詐為書。稱兆以六鎮人配契胡。激其用命。淵欲起兵。則使劉文寂詐救發太原西河雁門馬邑民為兵。集涿郡擊高麗。用民之憤。使人以急陳勝吳廣。亦繇此起兵。不厭詐其是謂乎。竇穀女。淵之妻也。柴紹妻。淵之女也。穀女少時。聞隋文篡周。自殺。若不恨。不為男子。救舅氏。患紹妻一婦人。歸巴縣別墅。招合羣盜。悉歸於淵。其英武。豈下世民。夫唐公家庭。其無志天下者。或淵耳。若妻

若子若女。咸久有圖隋之心。四海之略淵。又何能與異。且淵即不叛隋。度其執節死義。必不能為堯君。素則不如任賢子而起大事也。

唐平東都 李密 王世充

張溥

楊玄感弱冠。以父軍功位柱國。既從征伐。威名尤盛。討土谷渾。還至大斗拔谷。從官狼狽。即謀襲擊。行宮叔慎止之。遼東之役。督運黎陽。遂謀大舉。引兵向洛。彼富貴倖人主。賓客徧海內。驍勇善戰。身先士卒。叱咤風雲。威方項羽。兼荒主在外。六飛未還。離民在下。延頸思亂。乘而攻之。何堅不克。迺兵頓弘農。身死葭蘆者。雖由狹智淺見。不用李密上策。亦以楊素窮凶。弑殺寬酷。天不欲使其子孫得志於中國也。密策略宏遠。禮賢得士。當日豪傑羣推為首。輔玄感不成。幾死而脫亡命江海。哀吟草野。不遇翟讓。一飢賊耳。謠識奇異。羣盜敬愛。統領大眾。權出讓右。張耳陳餘。豈相厄哉。讓貪懷無能。殺于杯酒。先發制人。王世充嘆密為龍蛇不測。抑大業未成。自相屠戮。蕭銑所以責沈柳生也。玄感舉兵密勸。其先圖關中。及自立。不聞其鼓行而西。豈能言之不能行之與。洛口黎陽二倉。民食所聚。密襲而有之。富誠莫敵。然粟多民聚。粟盡民散。恃粟而立。其何能久。柴孝和道西襲長安之策。徐洪客獻宜向江都之謀。密心善之。而不用。志雖有餘。氣則將竭。英雄回首。負嘆崦嵫。王世充佞賊狙黠。一戰即勝。密不敗於所畏。而敗於所輕。魚服見笑。鼓哀足悲。委身唐公。不得台司。鬱鬱奔叛。斬邢公岨下。生不如竇融。死不如田橫。傷哉唐公。初起義嚴憚。惟密卑辭推獎。呼為大弟。西方克定。密忽窮歸。喜實過望。縱之山東。失策甚矣。盛彥師邀斬半渡功。等淮陰楚亡漢興。此其會也。李密既死。世充何能為。彼豺聲卷髮。機巧刻深。媚煬帝。弑皇泰。迷惑開房之記。誑耀莊周之書。觀塗耳目。苟延日月。篡三年而滅。子猶謂晚也。

唐平河朔竇建德

張溥

隋季僭竊鄭夏最強然竇德非王世充比也世充祖本西域胡冒王姓乃仕隋世充無他才能以口舌得幸煬帝飾臺治奏珍物啟括江淮良家女備後庭皆主心所慕樂其側媚固寵猶裴矩虞世基耳宇文化及弑煬帝世充不能討皇泰主立專政自用元文都盧楚謀誅之言泄而死主亦被廢旋遭酖縊弑君之罪不異化及猶倔強東都敢與唐抗王莽切舌董卓燃臍厥罰宜同乃俘於太廟免死徙蜀非獨孤修德痛念父讎自行翦戮唐其無刑哉竇建德漳南世農重然諾喜俠節鄉黨所重憤世危亂入高難泊中為盜此與食隋祿官隋官而反戈悖逆者其情已殊迨兵次聊城生擒化及奉表皇泰稱臣蕭后討賊之正唐公不及也唐克長安奉代王侑為帝尊煬帝為太上皇內圖自主外修臣禮淵亦自謂掩耳盜鈴建德武人獨明大節即地非漢祖之入關而功猶更始之誅莽其所不能望秦王世民者或英主天授大器非常耳若夫兢兢慕義好行其仁王雖不成曷可少哉且赦李蓋之死量同項王斬王軌之奴媿侔子密撫降不殺賞忠不誅盜名字建旌旂者時有百數行事相近者什不能一也世充始相好繼相惡其深絕之者以弑主故也唐兵逼洛陽世充請救宜拒而不納竟惑於劉彬空國往援交非趙魏而勢分胡越秦王定策始戰一舉兩克建德之亡非自亡也為世充而亡耳以身徇人而徇者其仇以國委人而委者其賊魯連虞卿之義貴于排難解紛不如是其愚也曹氏明識善斷遠過建德其言不用狼狽就死內有賢妻而違以蹈禍婁妃能佐高歡之成曹氏不能救建德之敗婦人雖智命繇其夫斯亦各有天哉

唐平隴右薛舉

張溥

隴西盜起金城令郝瑗將討賊薛舉與子仁果劫之座上矯稱捕反者起兵為亂度瑗從舉非出誠心宜善自全圖去就乃忠於所事誓死不反何也舉始用兵即降宗羅睺襲皇甫綰鍾利俗唐弼等相繼殄服勢誠驍銳然以之比唐闕地聚民不過一大國諸侯使早知廢興稱臣獻順如吳芮長沙尉佗南越保功

名終計豈不善。瑗獨非之。侈然擬於漢高。昭烈使舉心侈大。戰鬪不息。卒至覆宗殞國。此亦陳嬰之母所深笑也。高據既拔。瑗勸舉乘勝直取。又安會病死。迺止。瑗遂哭舉不起。即其生相信。死相哀。未嘗無君臣之義。英雄之感。然舉非項藉。而瑗慕范增。徒死無益。余又傷其力小而欲與大爭也。仁杲勇號萬人敵。獨貪而好殺。即舉殘猛。亦心惡之。每戒其虐。必亡國。後果為秦王世民所擒。夫薛舉父子。素不敵唐。前者高墪之役。豈舉能勝哉。特以秦王卧病。劉文静殷開山違其節制。輕師取捷。多見殺傷。及嚴兵再出。始而堅壁。繼而長驅。賊勢窮蹙。威面縛不暇。舉一倖而勝者。仁杲不能再倖。欲取天下。豈不繇才智度量哉。旁公地。仁杲驍將。降而復叛。至始州。掠王氏女。醉寢野中。女取其所佩刀斬之。送首梁州。封崇義夫人。其使節成功。榮於薛舉鞠后矣。

唐平河西李軌

張溥

薛舉李軌皆以財雄邊。然舉為亂者也。軌防亂者也。軌略知書。有知辯。好賙人急。見舉亂金城。恐郡縣吏孱弱。無足與計。誠不忍以鄉黨宗族父兄妻子。委盜賊魚肉。始謀聚保河右。觀天下變。苟亦名之為賊。不幾以燕雀笑鴻鵠哉。羣衆推奉。軌遂有奢心。欲身應讖書。夫李密公卿子孫。號令霜雪。志氣才略。百倍於軌。猶不能符歌桃李。自命真王。軌何人斯。望為天子。多見其不知量也。安興貴家世涼州。久留長安。表唐高祖。願還招軌臣順。其說不行。即與弟修仁。結西域諸胡圍城。連奚道宜擊軌。玉女臺成。不求神仙。徒別妻子。愚哉。涼帝立而死。寇然興貴初心。非欲殺軌。示以大唐之盛。勸以東歸之樂。設軌能聽之。奉圖朝廷。世作藩輔。與國終始。興貴未始非涼忠臣也。隗囂有一馬援不能用。而用王元。病飢憤死。豈援罪乎。興貴成言而出。建節而還。身入大敵。威宣萬姓。厥功高矣。豈特使不辱命哉。隋末羣盜竇建德。蕭銑稱賢。次則李軌。三者智數雖殊。廢興亦復相近。其興也。建德戒害忠良。銑惡自相攻戮。軌亦禁殺人取貨。其廢也。建

德殺王伏寶。銑殺張繡。軌亦殺梁碩。寬大則士附。猜忌則衆離。從來爭天下者。無不然也。

唐平河東劉武周

張溥

史言劉匡妻趙氏。夜坐庭中。見飛光投懷。感娠生武周。彼為盜賊者。其誕育固有神怪哉。武周受王仁恭愛遇。總虞侯直閣下。盜其侍兒。反懷異計。說諸惡少年殺之。逆亂負德。與楚王坐客袁盎從史異矣。武周雖驍悍善騎射。其所以資尤强者。在得宋金剛。金剛上谷賊。與魏刀兒善。竇建德滅刀兒。遣人招之。金剛恚曰。魏主死。吾義不往。拔刀將自刎。衆抱之泣。遂歸武周。武周號為宋王。分遣家貲。妻以女弟。金剛出故妻而納之。蹈殺妻之忍。以明丹青之信。其人穿窬耳。然破裴寂殺姜寶誼。齊王元吉懼。奔京師。是時彼師威若王尋。唐兵弱猶光武。雀鼠谷之戰。可方昆陽。敗而復勝。危而復安。非秦王世民。其誰克哉。元吉驕侈。喜鷹狗。其守并州時。不修軍政。惟載置網三十車。日夜縱獵。聞武周馳屯黃蛇嶺。始遣張達率百人嘗鬪。達為鄉道榆次失守。諸城連破。晉陽遂陷。元吉不顧土地。但攜妻妾。按之以法。有誅無赦。高祖徇情不問。則梁武之縱蕭宏耳。關中震駭。欲棄大河以東。秦王上表力陳。願假精兵克復。乃更出師。平時無根本之慮。急難為棄地之謀。高祖無能。猶元吉也。今秦王不行。太原尚非唐有。敢望混一乎。武周以汶陽宮人賂突厥。得立定楊可汗。引衆入寇。據有晉陽。既窮無所至。非突厥莫與歸也。後復謀歸馬邑。事泄被殺。彼興於突厥。亦死於突厥。夷狄不可恃。于盜賊也。猶信。

唐平江陵蕭銑

張溥

蕭銑。後梁宣帝曾孫也。少貧傭書事母孝。煬帝以外戚擢羅川令。大業十三年。董景珍等謀起兵。推銑為主。銑報書。厲衆哀痛先君。志存刷恥。夫帝室之裔。名非草澤。復讎之舉。師異潢池。以此令天下視唐興晉陽尤順。惜其文有餘。武不足也。趙郡王孝恭師抵江陵。銑總麻布幘詣首軍門。願身當死。無殺百姓。送至

京師高祖讓之。銑對以逐鹿無罪。自比田橫。遂斬都市。史臣謂銑力困計殫。奸言偽辯。唐祖神聖。賜以殊死。夫古公去國。屬告父老。蒯通強辭。漢高不殺。銑係虜抗言。開誠解甲。即責其盜竊仁義。詭世亂俗。為聖人所必誅。豈心服哉。高祖素怨李靖。一入長安。即召而殺之。秦王固請通免。及銑據江陵。詔請安輯。會蠻賊鄧世。雖兵數萬屯山谷間。廬江王瑗討不勝。靖謀擊卻之。進至峽州。阻銑兵不得前。高祖復罪其逗遛。許詔紹發軍前。紹惜其才。奏請得解。靖之一身。幾死者再。卒破銑者靖也。孝恭發夔州。峽江方漲。靖請掩其不備。連拔二鎮。既獲戰艦。盡散江中。援兵遲疑不進。銑窮出降。設唐果殺靖。蕭氏坐大。孰發十策哉。銑統地廣浩。西至三峽。南交趾。北距漢水。無不埤屬。獨性外寬內忌。大臣疑貳。董景珍叛。張繡誅。銑益孤弱。梁元帝出王琳于廣州。而魏師至。蕭銑移諸將于江嶺。而唐兵入。平時自空宿衛。倉卒難于呼援。其所以取敗同也。唐釋李靖。猶漢赦淮陰。英雄瀕死而生。業得人而成。自古然矣。

唐平江淮杜伏威

沈法興

李子通

輔公祐

杜伏威。輔公。刎頸交也。公祐祐數盜姑家。牧羊餽伏威。縣迹捕急。相與亡命。為盜下苗海潮。殺趙破陣。眾遂盛大。然兩人隙未順。逆中分。伏威入朝。公祐反。誅張耳。歸漢而王。陳餘自立。而滅效忠者。智恃大者。愚成敗之數。前人較如矣。伏威選敢死五千。號上募。每戰先登。又有養子三十人。皆壯士。屬以兵。同衣食。其中閩陵王雄誕。最知名。稱大小將軍。伏威初渡淮。與李子通合。後被襲。重創墮馬。雄誕負逃。葭澤中哀嘯。散亡。又為隋將來整所窘。眾復潰。西門君儀妻負伏威走。雄誕總麾下十餘人從之。追兵至。力戰始脫。伏威不死。王將軍力也。子通跳梁京口。汪華據雄。黠。聞人遼安守險峴山。三者皆唐勁敵。雄誕兵至。或窮窘乞命。或傳諭即降。功勞甚顯。公祐謀叛。爭以大義。遂遇縊。伏威效西河於生前。雄誕從臧洪於地下。雖人各為其主死。可謂非唐忠臣哉。閩陵勇善拍刀。威行羣部。南討公祐。戰功獨多。青山之戰。賊多下拜。

趙郡王孝恭誣以謀反殺之。忠功見誅，義士痛疾。公祐年長，伏威人呼輔伯，奮擊子通，長刀無敵。感于左游仙都陳故宮，僭位號益州子陽，倔彊何益，祇速死耳。沈法興與郡守亦起為盜，才不及子通遠甚。沈江先死，所自取也。張善安年十七，掠淮南，猶伏歲年十六，入長白山，同年少劇賊，後歸唐，以與公祐謀誅。斯時又悔不如伏威餌雲母而死也。

唐平山東 劉黑闥

張溥

唐赦王世充殺竇建德蕭銑，世譏其失刑。未幾果有劉黑闥之亂，黑闥與建德少相友善，後亡命為盜，更事郝孝德李密王世充，乃歸建德，封東漢郡公，委以斥候。每乘隙奮奇入敵中，出不意，兵多摧克，軍中號神勇。凡人幼少結納壯大同事，雖為盜亦各有類也。建德死，黑闥還匿漳南，杜門不出。然古來跳躍百戰勁賊假王，未聞稿馘戶牖，即窮困無聊，雜于農夫傭保，此其人豈肯鋌菜老哉。唐祖用人非長，建德舊將散在民間，既不能殺之，又不能用之，彼無半城之寄，寸組之賞，足以係累其身。縱官吏不分捕，郡縣不呼討，亦有羣為盜耳。漢定天下，功臣偶語沙中，子房即懼其反，羣盜放蕩，不納繩墨，徒出使者望道路，是激速亂也。劉雅願守耕桑，眾共殺之。黑闥方種蔬，見諸將來，即椎牛享士，襲破縣城，不數月間，遂復建德故地。善戰如李世勣羅士信等，皆非其敵。李玄通不肯從賊，酒酣舞劍而死。史萬寶擁兵不進，坐喪淮陽。王道玄二臣逆殊，顧其勢則危急。秦王克平山東，黑闥尚能為禍。崔元遜諸葛德威，彼所署將，誘以飲食，見執窮寇再奮，中原幾震。糜虎豹者無術，忽螫螫者受螫也。韓信囊淮水以破龍且，秦王壅洛水以敗黑闥，用兵之神，殊世合轍異哉。

太宗平內難

張溥

秦王世民之殺建成元吉，儒者以為猶鄭伯之克段，抑其事勢殊矣。共叔段雖姜氏愛子，鄭武公未嘗許

立也。莊公即位。于情則君之寵弟。于分則國之人臣。莊公以兄訓弟。以君制臣。納之以義。甯敢作惡。必養成其惡而後殺之。春秋所以惡其忍也。唐之建成。於取天下無尺寸之功。又驕不惜士。人心不附。立為太子。高祖之愚也。齊王元吉。不惟無功。且太原其罪當斬。高祖姑息不誅。成彼邪心。復聽讒言。欲搖秦王父。猶瞽瞍。二子猶象。欲為舜者。其難哉。象心欲殺舜。其勢與力。不能殺舜。建成元吉。勢力厚矣。操秦王日急。坐而待死。即舜當其時。必不然。周公誅管蔡。史序其事曰。乃辟致管叔于商。辟者。法也。其辭始以乃。繼以致者。不忍之至也。周公以王法討亂臣。非世閭墻者比。三叔可死者。死之。可生者。生之。公在天下。慈在家。人然。即使管叔不死。彼亦必不能殺成王。建成元吉。則殺秦王必矣。建成殺秦王。元吉必殺建成。秦王殺建成。元吉死者。止建成元吉耳。建成元吉殺秦王。豈特無建成元吉。直無唐也。建成元吉死。高祖拱手無言。讓位秦王。設建成元吉殺秦王。度高祖亦不能問也。秦王之失。惟倉猝手刃。夷戮諸子。猶有遺譏。若夫兄弟不容。危在宗廟。痛而一割。直其所遭之不幸。豈與鄭伯處心積慮等哉。魏徵王珪。不能勸建成為泰伯。而啟以立功固寵之謀。管仲射鉤。寺人斬袪。彼猶愧之。尉遲敬德躍馬禁殿。擐甲海池。似以兵劫君。然士死知己。忠無二君。未可非也。高祖天下。得之秦王。凶子害之。嬖御譏之。秦王幾死。何怪漢高殺韓信。誅布越哉。

太宗易太子

張溥

常山愍王承乾。與濮恭王泰。高宗治。皆文德皇后所生。承乾八歲時。敏惠著聞。太宗在亮陰。委決庶政。有大體。長而頑淫。非意所期也。晉通幼慧。後漸奢虐。隋勇好學。獨多內嬖。繼體之君。習非則易。習善則難。為之父者。師傳教諭。甯不兢兢。然通死于南風。勇廢于獨孤。適當人倫之變。禍患萑菲。不能自明。承乾遭遇太宗。而敗德日甚。是誰咎哉。孔穎達。令狐德棻。于志甯。張玄素。趙弘智。王仁表。崔知機等。皆天下選。備位

功臣每發規論。太宗必厚賜金帛。冀以激勵太子。後又遣魏徵往傳寄託深重。周昌相趙王。汲黯相淮南。護愛子而格非心。用意至矣。承乾狂暴不聞悔過。更忌魏王泰。謀殺之。欲侯君集素懷快快。利國有覺。勸其決反。李安儼趙節杜荷。饒血同盟。攘臂呼亂。唐開基日淺。臨朝未幾。又圖西宮。父子兄弟。甯堪再刀哉。泰著書下士。窺望儲副。承乾既敗。復脇晉王。帝心不平。幽之北苑。太子之位。天位也。泰以有心而失。治以無心而得。始信才智不可過用。庸懦未始非福也。紇干承基。承乾所養刺客之足效用。同逆已久。會治齊王祐反事。懼誅告變。身欲脫死。忍計尊親。罪當無赦。反爵平棘縣公。江充重賞。戾園益悲。漢武作思子之宮。唐宗封不義之侯。何相背也。承乾廢後。岑文本劉洎勸帝立泰。長孫無忌獨請立治。執持雖正。後幾覆唐室。使泰得力。其無武氏之禍乎。然天欲亂唐。則興武。欲興武。則立治。太宗且不能違。况無忌哉。討立而殷亡。漢惠立而呂后亂。此皆不可以後日之異變。嘗當日之守經也。

太宗平突厥

張溥

冒頓強於秦末。始畢大於隋季。蓋中國戰爭。則戎狄坐寬。豪傑並攻。則非族日長。即素所服屬。忽絕羈勒。擅兵兼指。大於股操。人輕重。其勢然也。始畢可汗咄言者。本啟民子。乘大業之亂。華人走依。羣胡奉役。竇建德薛舉劉武周梁師都李軌王世充等崛起。為盜威臣尊之。唐高祖興晉陽。亦屈節求助。雖多請馬。少請兵。有王者權略。然既資其力。不能不為彼下。雪恥除兇。義存隱忍。啟民身鋤香草。始畢使升御座。父賤為奴子。豪為帝。盛衰豈不以時哉。隋義成公主始妻啟民。繼妻始畢。三妻處羅處羅死。嫌子奧射設。弱更喜其弟咄。必是為頡利可汗。而始畢子什鉢。必長。別立為突利可汗。其時公主失行。不異千金。而突厥勢貳。漸等都藍衰亂。所由始也。關中屢驚。高祖欲徙都出避。秦王世民固諫。願假數月之期。生繫頡利。致於關下。蓋彼所縱橫出勝者。唯二可汗。抑知秦王得因其隙而用之者。亦以二可汗故也。隴阪陳師。突

利託款突厥盛氣而來無所加於唐獨與秦王結兄弟耳秦王既為天子二可汗乘其新喪初立直抵郊甸天子親騎詣渭水上責彼負約懼而請和又縱使歸不伏兵掩擊先耀以強後服以仁文王整旅宣王飭車德威備矣頡利弱亂突利先歸李靖進兵風行草偃不折弓矢兩可汗俱為唐臣頡利死京師突利死并州生長蠻夷死葬中原灞東起塚墓碑有文魂魄有知尚依唐室此又空幕南幸廬帳者所未有也突厥降衆宜縱還故土毋留中國帝違羣議獨用溫彥博策分處河南亡何結社率果犯行營方悔其失始固謂王者大無外而不知戎狄豺狼終不可通也然幸發之者蚤治之者疾唐遂無晉代五胡之患則魏徵等言猶見施行不與江統同棄矣

唐平鐵勒

張溥

薛延陀者先與薛種雜居後滅延陀部有之號薛延陀在鐵勒諸部最雄張其于突厥叛服不常夷男之時頡利政亂天子方圖頡利乃冊書拜夷男為可汗賜鼓纛將以樹敵突厥攜其支黨視漢通月氏大夏烏孫以分匈奴西方援國尤事逸功倍也阿史那思摩頡利族人忠誠獻順天子嘉其義立為可汗使還故疆興滅繼絕朝廷厚德風動蠻夷夷男不慕中國之仁驅擊思摩牙張內徙此在與國為乖危天朝為負恩問罪之師其何能已王師數出天子厭兵許以新興公主下嫁夷男國家之辱莫有大焉契必何力夷人忠孝心如鐵石獨持議絕婚進策見用公主不出夷男憤死二子爭殺諸部歸命片言樽俎遂平勦勒厥功茂矣自古議夷狄者周得上策秦得中策漢則無策無策者何和親是也漢武帝通西域遣江都王女妻烏孫王昆莫死岑陁欲尚之公主慙恚不肯聽上書言狀報從其俗其後翁歸靡元貴靡等紛請無已也蕭望之奮發大義請賜謝絕徵還少主邊境安謐累世積恥一朝而復至今榮之房玄齡褚遂良唐社稷臣昧于禮義堅為夷南求婚降良人于宮廬于帝女以蒸報是徒循婁敬之陋說而不明望之之

達識哉太宗神武內斷詔夷男親迎中道停絕病死沙磧於是拔灼殺曳莽回紇殺拔灼吐摩支來歸京師十一姓趨款靈州帝坐勞之曰爾來若鼠得穴魚得泉我為爾深廣之作詩勒石告廟賜酺其所以功高百王威行窮海惟在善聽何方若羣臣碌碌狃小信忘大經見猶房褚苟用其言必為世笑趙充國譏凡公卿班超惡文俗吏有以哉

唐平西突厥

張溥

東突厥之有西突厥也由木杵舍其子大暹便而立弟佗鉢始也大暹便不容於攝圖西走達頭後被虜國人立鞅素特勒子再傳而及達漫在隋時頗叛服分眾為二唐高祖武德初歸命長安遠聽統葉護所請縱使者殺之曲在唐矣統葉護為莫賀咄所殺國人請立泥孰泥孰不可迎立啞力卒殺莫賀咄忠臣奉君孝子復仇兩者無愧咄力復欲圖泥孰不仁實甚即啞力奔而泥孰立向背在人惟義乃埒即蠻夷猶然泥孰死弟同娥設立統吐屯搆叛部眾復立欲谷設西突厥又分為二國勢益不支矣同娥設奔死弩失畢部落是其子薄布居南庭與欲谷設北庭無相害也欲谷設復殺薄布強大驕倨諸部請廢之立莫賀咄子為乙毗射匱可汗未幾阿史那賀魯起并其眾廬帳最盛事唐最反覆欲谷設子頡苾請共擊之蘇定方等銳師再出賀魯禽獻昭陵乃命彌射步真分主突厥地亡何步真又說蘇海政殺彌射嗚呼戎狄無親爭雄以力骨肉相攻彼所不忍然言其族類則皆父兄子弟也晉室板蕩禍生八王梁祚衰絕兵極六門同室之鬪勝則不忍敗則同盡夷雖非種情勢未殊隋用染干以間雍虞閭唐用突利以制頡利亦突厥之近鑑也而犬羊愚悖不知覺悟是以夷狄攻夷狄夷狄之失計中國之上策也

卷之三

卷之三

三

歷代政治論海卷二十一

慈谿繩史李思浩定

古董鳴玉蔡和鐸輯

唐

太宗討龜茲

張溥

焉耆謀叛龜茲王布失畢遣兵佐之太宗赫然議討其夜月食昴詔曰月陰精用刑兆也昴胡分數且終乃命阿史那社爾等連師進擊未幾破大城五降小城七百餘虜其王相歸夷虜興亡上應天象即小醜猶然哉郭孝恪楊翟奇士少從李密後歸太宗策破王世充竇建德功出諸臣右焉耆王龍突騎支與西突厥婚約為輔車不朝貢其所恃者都城三十里四面大川海水繚外唐兵雖神不能渡也孝恪倍道絕水夜傳檄達曙謀而登鼓角轟哄執突騎支以來時天子坐堂上度功萬里料二十二日孝恪必破焉耆蓋彼威勇夙著入虎穴得虎子班超降鄯善耿秉擊車師斯其人也既討龜茲破其國城自留守遣餘軍分道進長勝之餘謂可談笑制人乃那利收合散亡與城內胡結鼓譟轉襲孝恪關死威行窮漠而命蹙一城蟻隙潰堤言之烏邑孝恪出營時國人獻言亦云那利出亡勢必為變願謹備之孝恪忽不問父子死敵凡人千勝不當一眚蝮蛇螫手斷腕不及壯士當此難以救矣崔義超曹繼叔募兵再戰那利就擒虜固易制耳抑則嗟人屈則稽顙亦視所備者何如也太宗受俘紫微殿待布失畢以不死大唐至仁然那利有殺孝恪罪未可赦也縱之歸國任其蒸逆復煩斧鉞龜茲方定一時通詠沒世有害即彼國君何利焉

太宗平高昌

張溥

高昌王都交河城漢車師前王延也田地城戍已校尉所治也其王麴伯雅隋時妻華容公主蓋字文氏

女也唐武德初伯雅入貢既死子文泰立遣使來告及太宗之世貢獻不絕宇文女賜氏李更封常樂公主中國保字出於至誠非若敕勒貌附賜以精刀寶鞭而已文泰不恭焉耆來訴帝往問狀猶不悛順驕倨自大意謂伏高之雄不畏鷹隼穴之鼠不畏貓迨唐師臨磧口惶悸發病夜郎恃遠子賓疎漢彼不覩天子之師焉知中國威武哉文泰疾死智盛當國孺子何知可服而舍侯君集伐不乘勝不黷兵其晉文公之服原人乎智盛謁軍門辭尚未屈薛萬均勃然起流汗伏地聽命高昌兵如霜雪唐家兵如日月其謠果驗俘獻殿庭舉國內屬智盛智湛為唐臣僕麴氏傳國九世百三十四年至是而亡以小抗大寧有利焉太宗既平高昌改為州縣魏徵褚遂良固諫不聽後西突厥數入寇乃喟然悔也唐即富強但能絕麴氏之世不能獲高昌之用地實恨之非人力所及使太宗明漢光武不置西域都護之意則無是舉矣侯君集取高昌兵不血刃歸下獄吏岑文本訟之乃出比之劉向疏甘延壽陳湯功曷異哉

太宗平吐谷渾

張溥

慕容伏陀夸呂少子也襲兄位而妻其妻素懷不順會末隋喪亂屢寇河右郡縣不能制唐高祖即位始與連和貞觀時復梗命負嶠太宗詔使屢出終無悛心不得已而興師出討義兵有名非若拾遺無罪魏文成獻文窮武相加也李靖年老帝不欲勞以兵戎獨慷慨請行耀武虜塞廉頗焉援勇猶不如侯君集等佐之轉戰無敵至行空荒二十里盛夏降霜士靡冰馬抹雪既次星宿川達梢海上望磧石山覽觀河源亦已功高瀚海勢崇國靈矣伏允初拘天子行人統黨項驍衆意氣厲盛後連磧中從者僅百騎無聊自經死蓋彼有臣天柱王而為謀不忠有子順而二心不孝皆所以速亡也伏允向事唐感天柱王乃抗衡順斬之以降於奉中國為正然父死謂何何可言也吐谷渾初起時兄弟悲思母子涕泣孝弟之風傳於竹帛其哀也蒐王訶背夸呂順背伏允父子之間咸有賊心陰山上隴貽謀蕩如能無痛乎伏允西走

燒野草以困唐兵任城王道宗欲按軍鄆州徐圖進退君集奮計二軍始出惟君集善謀亦惟靖善斷兵貴神速塞外之威不同於河上之師久矣順既為可汴國人不附卒遇殺子諸葛鉢立尚唐弘化公主其相宣王跋扈謀作亂席君買威信王討誅之彼順禍猶伏允而跋扈逆甚天柱豈國家長世之兆也

貞觀君臣論治

張溥

唐室三大禍一曰女寵一曰宦官一曰藩鎮女寵始於巢刺王妃終於張良娣宦官始於高力士終於韓全海藩鎮始於李懷仙終於劉稹三者之禍烈矣又內主之以小人外迫之以盜賊而唐亡論者深嫉朱全忠而思藩鎮則曰全忠才智非過於安史朱泚也其時藩鎮蓋滅時溥朱瑄秦宗權羅紹威王鐸之徒盡亡天下無有制之者也設昭宗之世朱滔在冀田悅在魏王武俊在趙李納在齊全忠即欲為曹操司馬懿烏能動哉然當日諸侯制全忠者李克用助全忠者韓建李茂貞唐不用其制者而用其助者速亂而已豈繫藩鎮之存亡哉且論唐大勢所難去者非藩鎮也安史之亂肅宗能先取范陽則傾賊根本而可無藩鎮張忠志薛嵩田承嗣李懷仙既降代宗能召之入朝不委以地則河北黨散而可無藩鎮元和之治諸鎮畏威宰相能善處置朱克融與王承元田弘正則魏博鎮冀盧龍皆安而可無藩鎮王庭湊等連叛穆王能銳意征討如憲宗之平淮蔡則河朔再靖而可無藩鎮藩鎮之禍皆天子致之未嘗有牢不可拔之勢也藩鎮漸微大盜四起龐勛之黨為黃巢黃巢之黨為全忠勛巢叛唐而誅之以其為盜賊也全忠歸唐而用之則盜賊而又藩鎮也宰相誅宦官則召藩鎮崔胤是也宦官殺宰相亦召藩鎮韓全海等是也究之宰相死宦官死天子亦死全忠遂攘神器而有之然則罪唐亡者獄將安歸乎肅宗以前國家之憂在女寵肅宗以後國家之憂在宦官嗣聖之女禍莫烈於武后而繼之者又有韋后韋后者武后之餘也天寶之女禍莫烈於楊貴妃而繼之者又有張良娣良娣者貴妃之餘也武后虐而殺子韋后賤

而弑君楊妃無其罪召亂反甚焉婦人之勢積久而潰也肅宗鑒於楊貴妃而不能遠張良娣鑒於高力士而不能去李輔國魚朝恩鑒於安祿山史思明而不能馭武夫悍卒雖中興之主實益亂之君也乾元而降宦官日盛再更三主則陳弘志立穆宗王守澄立文宗仇士良立武宗馬元贇立宣宗王宗實等立懿宗劉行深等立僖宗楊復恭等立昭宗甚而陳弘志弑憲宗劉克明弑敬宗矣宦官弑君而不問立君而不疑天下之權畢聚於宦官天下之怨亦畢聚於宦官文宗懷赦獻之悲宋申錫等抱陳寶之耻無如之何而有崔胤者出則又何進袁紹之不若矣夫婦人寵過則覆宗宦官勢極則滅種人君愛之適所以害之也然有小人憑焉則自人主下至婦豎莫不交為之用元宗英主也李林甫用之而終不悟而幽陵叛興德宗猜主也盧杞用之死猶見思而梁州再竄許敬宗李義甫長高宗之惡則武后立崔湜陳悟結韋武之歡則五王死天下莫智於小人莫愚於為小人用之婦豎又莫愚於用小人婦豎之人主太宗樂拜昌言慎終如初其君臣論議詳矣一傳而即亂治法易治人難也讀貞觀政要者能無望賢子孫哉

唐平遼東

張溥

唐太宗說高祖起兵太原立克長安降李密於黎陽俘竇建德於河北禽王世充於東都芟劉武周於并州剪劉黑闥於山東夷蕭銑於江陵殄薛仁果於涇水六年而定天下即位以後突厥之渠繫頸關庭北海之濱悉為州縣史稱除亂比湯武用兵若黃帝於古未有也獨遼東一舉拔高麗十城斬首四萬不能成功心懷哀痛至馳驛祀魏徵柳城祭戰幾於漢武之悔輪臺儒者責帝玩武困於小夷然貞觀十六年陳大德出使高麗歸言其國可取帝問山東形勝未忍勞之十七年鄧素請增懷遠戍兵復不許反遣使冊高麗王藏為遼東郡王既新羅來高麗百濟為難猶置書往諭未即加兵帝亦可謂有容與且前蓋蘇文手弑其王建武而立藏亂賊首逆當移六師非若隋大業時高麗王元之無罪也新羅入貢高麗與